

საჩხერის მუნიციპალიტეტის საკრებულოს

დადგენილება №3

2012 წლის 24 თებერვალი

ქ.საჩხერე

საჩხერის მუნიციპალიტეტის ბიუჯეტიდან სოციალური დახმარების გაცემისა და მიღების წესის დამტკიცების შესახებ

„ადგილობრივი თვითმმართველობის შესახებ“ საქართველოს ორგანული კანონის მე-16 მუხლის მე-3 პუნქტის შესაბამისად, საჩხერის მუნიციპალიტეტის საკრებულომ დაადგინა:

მუხლი 1

დამტკიცდეს საჩხერის მუნიციპალიტეტის ბიუჯეტიდან სოციალური დახმარების გაცემისა და მიღების თანდართული წესი (დანართი).

მუხლი 2

ძალადაკარგულად იქნეს ცნობილი „საჩხერის მუნიციპალიტეტის ბიუჯეტიდან სოციალური ღონისძიებების დაფინანსების წესის შესახებ“ საჩხერის მუნიციპალიტეტის 2007 წლის 21 მარტის №25 დადგენილება.

მუხლი 3

დადგენილება ძალაში შედის გამოქვეყნებისთანავე.

საკრებულოს თავმჯდომარე ნ. აბუანდაძე

დანართი

საჩხერის მუნიციპალიტეტის ბიუჯეტიდან სოციალური დახმარების გაცემისა და მიღების წესი

ეს წესი განსაზღვრავს მუნიციპალიტეტის მოსახლეობისათვის ადგილობრივი ბიუჯეტიდან სოციალური დახმარების გაცემისა და მისი მიღების პირობებს, მიმღებთა (ბენეფიციართა) კატეგორიებს.

თავი I

სოციალური დახმარების სახეები

მუხლი 1. სოციალური დახმარების სახეები

საჩხერის მუნიციპალიტეტის ბიუჯეტიდან გაიცემა შემდეგი ფულადი სოციალური დახმარებები:

- ა) ვეტერანთა დაკრძალვის ხარჯები;
- ბ) უპატრონო მიცვალებულთა დაკრძალვის ხარჯები;
- გ) ავადმყოფთა სოციალური დაცვა;
- დ) სტიქიური უბედურების შედეგად დაზარალებული მოსახლეობის დახმარება;
- ე) ოჯახებისა და ბავშვების სოციალური დაცვა;
- ვ) შეზღუდული შესაძლებლობის მქონე პირთა დაცვა;
- ზ) ომის, შრომისა და სამხედრო ძალების ვეტერანებზე და მათ ოჯახებზე ფულადი ფორმით გასაცემი დახმარებები;
- თ) მარჩენალდაკარგულ პირთა სოციალური დაცვა;
- ი) უმუშევართა სოციალური დაცვა;
- კ) სადღესასწაულო დღეების დახმარების პროგრამა.

თავი II

ადგილობრივი ბიუჯეტიდან სოციალური დახმარების გაცემისა და მიღების წესი

მუხლი 2. ვეტერანთა დაკრძალვის ხარჯები

1. მუნიციპალიტეტის ბიუჯეტიდან ანაზღაურდება შემდეგი სახის სარიტუალო მომსახურება:

- ა) საქართველოს ტერიტორიული მთლიანობისათვის მებრძოლთა სარიტუალო მომსახურება;
- ბ) ავღანეთის ომის მონაწილეთა სარიტუალო მომსახურება;
- გ) მეორე მსოფლიო ომის მონაწილეთა სარიტუალო მომსახურება;
- დ) მუნიციპალიტეტში რეგისტრირებულ იძულებით გადაადგილებულ პირთა სარიტუალო მომსახურება.

2. დახმარების მისაღებად დალუპულის ოჯახის სრულწლოვანმა წევრმა მუნიციპალიტეტში უნდა წარმოადგინოს:

- ა) წერილობითი განცხადება;
- ბ) დალუპული ომის ვეტერანის გარდაცვალების მოწმობის ასლი;
- გ) განმცხადებლის პირადობის მოწმობის ასლი;
- დ) ომის ვეტერანის მოწმობის ასლი;
- ე) იძულებით გადაადგილებული პირის მოწმობის ასლი.

მუხლი 3. უპატრონო მიცვალებულთა დაკრძალვის ხარჯები

1. მუნიციპალიტეტის ბიუჯეტიდან ანაზღაურდება უპატრონო მიცვალებულთა სარიტუალო მომსახურება.

2. თანხის მიმღებმა პირმა მუნიციპალიტეტში უნდა წარმოადგინოს:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) უპატრონო მიცვალებულის გარდაცვალების მოწმობის ასლი;
- დ) ტერიტორიული ორგანოს რწმუნებულის შუამდგომლობა;
- ე) გარდაცვლილის მინიმუმ სამი მეზობლის ნოტარიული დასტური გარდაცვლილის უპატრონობის შესახებ.

მუხლი 4. ავადმყოფთა სოციალური დაცვა

1. მუნიციპალიტეტის ბიუჯეტიდან გაიცემა დახმარება ავადმყოფებზე.

2. ავადმყოფმა ან მისი ოჯახის სრულწლოვანმა წევრმა მუნიციპალიტეტში უნდა წარადგინოს:

- ა) წერილობითი განცხადება;
- ბ) განმცხადებლის (პაციენტის) პირადობის მოწმობის ასლი;
- გ) ცნობა ჯანმრთელობის მდგომარეობის შესახებ (ფორმა №100);
- დ) ტერიტორიული ორგანოს რწმუნებულის შუამდგომლობა.

3. აღნიშნული სოციალური დახმარება არ გაიცემა პირებზე, რომლებიც რეგისტრირებულია სოციალურად დაუცველი ოჯახების ერთიან ბაზაში.

მუხლი 5. სტიქიური უბედურების შედეგად დაზარალებული მოსახლეობის დახმარება

1. მუნიციპალიტეტის ბიუჯეტიდან გაიცემა დახმარება სტიქიური უბედურების შედეგად დაზარალებულ ოჯახებზე.

2. სტიქიით დაზარალებულმა მოქალაქემ მუნიციპალიტეტში უნდა წარმოადგინოს:

- ა) წერილობითი განცხადება;
- ბ) პირადობის მოწმობის ასლი;
- გ) სტიქიური მოვლენის ფაქტის დამადასტურებელი დოკუმენტაცია;
- დ) ტერიტორიული ორგანოს რწმუნებულის შუამდგომლობა.

მუხლი 6. ოჯახებისა და ბავშვების სოციალური დაცვა

1. მუნიციპალიტეტის ბიუჯეტიდან გაიცემა დახმარება ოჯახებზე, რომლებიც დახმარების თხოვნის მომენტში განიცდიან უკიდურეს გაჭირვებას.

2. დახმარების მიმღებმა მუნიციპალიტეტში უნდა წარმოადგინოს:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) ტერიტორიული ორგანოს რწმუნებულის შუამდგომლობა.

3. მუნიციპალიტეტის ბიუჯეტიდან გაიცემა დახმარება მესამე და შემდგომი შვილის დაბადებისას.

4. დახმარების მისაღებად ახალშობილის ერთ-ერთმა მშობელმა მუნიციპალიტეტში უნდა წარმოადგინოს:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) ზავშვების დაბადების მოწმობის ასლები.

მუხლი 7. შეზღუდული შესაძლებლობის მქონე პირთა დაცვა

1. მუნიციპალიტეტის ბიუჯეტიდან გაიცემა დახმარება შეზღუდული შესაძლებლობის მქონე პირებზე.

2. შეზღუდული შესაძლებლობის მქონე პირის წარმომადგენელმა (მეურვემ/მზრუნველმა) მუნიციპალიტეტში უნდა წარმოადგინოს:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) ცნობა ჯანმრთელობის მდგომარეობის შესახებ (ფორმა №100);
- დ) ტერიტორიული ორგანოს რწმუნებულის შუამდგომლობა.

მუხლი 8. ომის, შრომისა და სამხედრო ძალების ვეტერანებზე და მათ ოჯახებზე ფულადი ფორმით გასაცემი დახმარებები

1. მუნიციპალიტეტის ბიუჯეტიდან სოციალური დახმარება მიეცემა:

- ა) მეორე მსოფლიო ომის მონაწილეებს;
- ბ) ავღანეთის ომის მონაწილეებს;
- გ) საქართველოს თავისუფლებისა და ტერიტორიული მთლიანობისათვის მებრძოლებს.

2. ამ მუხლის 1-ლი პუნქტის „ა“ ქვეპუნქტით გათვალისწინებული კატეგორია ფაშიზმზე გამარჯვების დღეს 9 მაისს მიიღებს ერთჯერად დახმარებას.

3. მუნიციპალიტეტში წარსადგენი დოკუმენტებია:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) ომის მონაწილის დამადასტურებელი მოწმობის ასლი.

მუხლი 9. მარჩენალდაკარგულ პირთა სოციალური დაცვა

1. მუნიციპალიტეტის ბიუჯეტიდან გაიცემა დახმარება მარჩენალდაკარგულ პირებზე.

2. მარჩენალდაკარგულმა მუნიციპალიტეტში უნდა წარმოადგინოს:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) გარდაცვლილი მარჩენალის გარდაცვალების მოწმობის ასლი;
- დ) ტერიტორიული ორგანოს რწმუნებულის შუამდგომლობა.

მუხლი 10. უმუშევართა სოციალური დაცვა

1. ამ მუხლით გათვალისწინებულ დახმარებას მიიღებენ მუნიციპალიტეტში მცხოვრები ის ოჯახები, რომელნიც ამ წესში მოყვანილ არც ერთ კატეგორიას არ მიეკუთვნებიან და დახმარების თხოვნის მომენტში ოჯახის წევრები არ მუშაობენ და განიცდიან უკიდურეს გაჭირვებას.

2. დახმარების მიმღებმა მუნიციპალიტეტში უნდა წარმოადგინოს:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) ტერიტორიული ორგანოს რწმუნებულის შუამდგომლობა.

მუხლი 11. სადღესასწაულო დღეების დახმარების პროგრამა

1. ამ წესით განსაზღვრულ კატეგორიებზე, გარდა მე-2 და მე-3 მუხლით განსაზღვრული კატეგორიებისა, მუნიციპალიტეტის ბიუჯეტიდან შესაძლებელია გაცემულ იქნეს სოციალური დახმარება სადღესასწაულო დღეებთან დაკავშირებით.

2. მუნიციპალიტეტში წარსადგენი დოკუმენტებია:

- ა) წერილობითი განცხადება;
- ბ) განმცხადებლის პირადობის მოწმობის ასლი;
- გ) ტერიტორიული ორგანოს რწმუნებულის შუამდგომლობა.

თავი III
სოციალური დახმარების გაცემის ორგანიზება

მუხლი 12. ბენეფიციარის მიერ სოციალური დახმარების მისაღებად საჭირო დოკუმენტაციის წარდგენა

1. სოციალური დახმარების მისაღებად ბენეფიციარი წერილობითი განცხადებით მიმართავს და შესაბამის დოკუმენტაციას წარუდგენს საჩხერის მუნიციპალიტეტს.
2. მუნიციპალიტეტი უზრუნველყოფს სოციალური დახმარების მთხოვნელთა განცხადებების რეგისტრაციას.
3. მუნიციპალიტეტში შემოსული ყველა განცხადება თანდართული დოკუმენტაციითურთ შესასწავლად და სოციალური დახმარების გაცემის საკითხზე დასკვნისა და რეკომენდაციის მოსამზადებლად ეგზავნება საჩხერის მუნიციპალიტეტის გამგეობის სოციალურ საკითხთა სამსახურს.

მუხლი 13. სოციალური დახმარების გაცემის შესახებ საბოლოო გადაწყვეტილების მიღება

1. სოციალური დახმარების გაცემის შესახებ საბოლოო გადაწყვეტილების მიღება ხდება მუნიციპალიტეტის საკრებულოს თავმჯდომარის ბრძანებით, კომისიის დასკვნისა და მუნიციპალიტეტის გამგებლის მოხსენებითი ბარათის საფუძველზე.
2. გადაუდებელ შემთხვევაში, ამ წესით განსაზღვრული სოციალური დახმარება შეიძლება გაიცეს სოციალურ საკითხთა სამსახურის დასკვნის გარეშეც. საჩხერის მუნიციპალიტეტის საკრებულოს თავმჯდომარის ბრძანებით.
3. ასევე შესაძლებელია გაიცეს მუნიციპალიტეტის შესაბამისი წლის ბიუჯეტით განსაზღვრული სხვა სახის დახმარებები, მუნიციპალიტეტის საკრებულოს თავმჯდომარის ბრძანებით.